

章邱縣志卷之四

知章邱縣事嚴陵張萬青纂修

禮樂

國家厚生正德誠神和民禮明樂備其載在會典者商禘皇皇千聖之盛軌萬國所率循也有司承乏一邑宣示德意表樹風聲凡朝祀大典所以作觀瞻納軌物者胥於是乎在則入廟而知敬非移易風俗之大源歟至於名賢之流風餘韻型表後人與夫二氏之神道設教亦斯民之所畏也作禮樂志

章邱縣志

卷之四 禮樂

一

朝賀

元旦日五鼓知縣率在城文武各官穿朝服赴

萬壽宮行朝賀禮

萬壽宮在西門內廣嚴寺

冬至日

皇太后萬壽日

皇上萬壽日

皇后千秋日俱赴

萬壽宮朝賀如元旦儀

恩詔

每逢頒發

恩詔先期備鼓樂儀仗彩亭迎於交界知縣率在城文武各官穿朝服出南門外三里跪迎頒

詔官賚至知縣衙門公堂正中

龍亭上知縣率在城文職官員由東角門入武職官員由西角門入分左右立堦下行三跪九叩頭

禮讀

詔官捧至東堦高臺上宣讀知縣各官跪聽畢

知縣上堦受

詔恭捧安置

龍亭內復位行三跪九叩頭禮退即日知縣敬謹騰

章邱縣志

卷之四 禮樂

二

黃曉諭城鄉

秩祀

社稷壇

在城西二里春秋上戊日祭知縣為主祭官先期一日遣官送祝帛省牲至期五鼓

知縣率在城各官穿朝服齊集周垣外俟發頭鼓二鼓三鼓畢各官就位迎神瘞毛血啟牲饌蓋陳饌行三跪九叩頭禮畢次行奠帛初獻禮於

勾芒之神

后稷之神讀祝文復位次行亞獻禮次行三獻禮次飲福受昨次謝福昨次徹饌次送神行三跪

九叩頭禮次焚祝帛望燎各官退

附祝文

維

神奠安九土粒食萬邦分五色以來封圻育三農

而蕃稼穡恭承守土肅展明禋時屆仲春敬修

祀典庶芘芘松栢鞏盤石于無疆翼翼黍苗佐

神倉于不匱尙 饗

山川壇在城西南二里春秋上戊日祭祭境內山川之神 風雲雷雨之神 城隍之神

俱如祭社 稷壇儀

附祝文

維

神剛柔允協温肅攸宜磅礴高深長保安貞之吉

憑依鞏固實資捍禦之功幸斯民之殷盈仰

神明之庇護恭修歲祀正值良辰敬潔籩豆祇陳

章邱縣志

卷之四 禮樂

三

牲幣尙饗

先農壇

在縣東外二里知縣張萬青修每歲春夏部頒日期知縣朝服率在城各官暨農

官老農祭先農之神如祭社稷壇儀禮畢知縣蟒服行九推禮典史蟒服播穀種畢農官

終畝知縣復率各官望闕謝恩行三跪九叩頭禮乃退

祝文

惟神肇興稼穡粒我蒸民頌思文之德克配彼

天念率育之功常陳時夏茲當東作咸服先疇

洪惟 九五之尊歲舉三推之典某等恭膺守

土敢忘勞民謹奉彝章聿修祀事惟願五風十

雨嘉祥恒沐於 神庥庶幾九穗雙岐上瑞頻

書於大有尙饗

文廟

崇聖祠

在文廟東祭先師五代

肇聖王

裕聖王

詒聖王

昌聖王

啓聖王以先賢

顏氏

曾氏

章邱縣志

卷之四

禮樂

四

孔氏

孟孫氏

周氏

程氏

蔡氏

張氏

朱氏配享

教諭為主祭官如社稷壇儀

祝文

維

王奕葉鍾祥光開聖緒盛德之後積久彌昌凡  
聲教所覃敷率循源而溯本宜肅明禋之典用  
伸守土之忱茲當春秋仲聿修祀事尙饗

文廟春秋上丁日祭

先師孔子知縣爲主祭官預令執事禮生樂舞集明  
倫堂演習禮樂先期一日主祭官遣官送祝帛  
省牲至期五鼓主祭官朝服率在城文武各官  
齊集戟門外俟發頭鼓二鼓三鼓畢禮生唱啟  
戶樂舞生就位衆官入廟有司者各執其事瘞  
毛血啟牲饌蓋陳饌樂奏咸平之章作樂迎神  
章邱縣志

卷之四

禮樂

五

行三跪九叩頭禮次樂奏寧平之章樂舞具平  
之舞作樂行奠帛初獻禮詣盥洗所酌水進巾  
詣司樽所司樽者舉冪酌酒詣

至聖先師孔子之神位前跪獻帛獻爵叩頭詣讀祝  
位前跪讀祝文行三叩頭禮各官皆行三叩頭  
禮樂作詣復聖顏子神位前跪獻帛獻爵叩  
頭詣宗聖曾子神位前述聖子思子神位  
前亞聖孟子神位前各跪獻帛獻爵叩頭復  
位分獻官各獻於東哲西哲東廡西廡各復位  
次樂奏安平之章樂舞寧平之舞作樂行亞獻

禮主祭官分獻官各獻爵於神位前不獻爵不

讀祝復位如初獻儀次樂奏景平之章樂舞安

平之舞作樂行終獻禮主祭官分獻官各獻爵

於神位前如前儀次飲福受胙主祭官詣飲福

位前跪飲福酒受福胙無樂叩頭復位次樂奏

咸平之章無舞徹饌畢次樂奏咸平之章無舞

送神行三跪九叩頭禮次讀祝者捧祝執帛者

捧帛各詣燎所主祭各官望燎俟焚祝帛半闔

一戶禮畢散班

祝文

章邱縣志

卷之四 禮樂

六

維

先師德隆干聖道冠百王揭日月以常行自生民所

未有屬文教昌明之會正禮和樂節之時辟雍

鐘鼓咸恪薦於馨香泮水膠庠益教嚴於遵豆

茲當春秋仲祗率彛章肅展微忱聿將祀典以

復聖顏子 宗聖曾子 述聖子思子

亞聖孟子配尚嚮

至聖陳設

制帛一 篚一 爵三 俎三牛羊豕 登一

鉶二 簠二 簋二 籩十 豆十 香燭

祝版 祝文

東配陳設

制帛二 篚一 爵三 俎二一羊一豕 劍二  
簋二 籩二 籩八 豆八 香燭

西配同

東哲陳設

制帛六 篚一 爵六 俎二一羊一豕 劍一 簋二  
籩一 籩四 豆四 香燭

西哲同

東廡陳設

章邱縣志

卷之四 禮樂

七

制帛一 篚一 爵三 俎二一羊一豕 簋一  
籩一 籩四 豆四

西廡同

崇聖殿陳設

制帛五 篚五 爵各三 俎二一羊一豕 劍一 簋二  
籩二 籩八 豆八 香燭

東配陳設

制帛二 篚一 爵三 俎二 簋一 籩二  
籩四 豆四

西配同

東廡陳設

制帛三 餘同東配

西廡陳設

制帛二 餘同東配

祭器

簋 銅簋七十六 籩 銅籩七十六 豆 瓦登 一

豆 瓦登 一 登 瓦登 一 酬 瓦酬 二 俎 三

爵 銅爵 一 尊 瓦尊 十二 鬯 四

鬯 一 燭臺 二 祝版 祝 幕

樂器

章邱縣志

卷之四 禮樂

八

鐘 一 鼓 一 琴 四 瑟 二 應鼓 二

編鐘 六 編磬 六 祝 歌 簫 二

笙 二 笛 二

鳳簫 二 塤 二 篪 二 鞀鼓 二

籥 翟 各三 搏拊 二 麾 一 節 二

羽 六 黃傘 一

樂章 春祭夾鐘為宮倍應鐘起調 秋祭南宮為宮仲呂起調

迎神樂奏咸平之章

大哉孔子 先覺先知 與天地參

萬世之師 祥徵麟紋 韻答金絲



日月既揭 乾坤清夷

初獻樂奏寧平之章

予懷明德 玉振金聲 生民未有

展也大成 俎豆千古 春秋上丁

清酒既載 其香始升

亞獻樂奏安平之章

式禮莫愆 升堂再獻 響協鼗鼓鏞

誠孚壘虺 肅肅雝雝 譽髦斯彥

禮陶樂淑 相觀而善

終獻樂奏景平之章

章邱縣志 卷之四 禮樂 九

自古在昔 先民有作 皮弁祭菜

於論斯樂 惟天牖民 惟聖時若

彝倫攸叙 至今木鐸

謝神樂奏咸平之章

先師有言 祭則受福 四海饗宮

疇敢不肅 禮成告徹 毋疏毋賈

樂所自生 中原有菽

送神樂奏咸平之章

鳧繹峩峩 洙泗洋洋 景行行止

流澤無疆 聿昭祀事 祀事孔明

化我蒸民

育我膠庠

名宦祠

在文廟戟門東祭

元縣令尙才英

縣令李惟肅

明縣丞賴原裕

知縣劉顯宗

知縣張慶

知縣李燦

知縣韓福

知縣趙瀛

章邱縣志

卷之四

禮樂

十

知縣李臣之

知縣茅國縉

知縣張企程

知縣董復亨

知縣李養志

典史丁文禮

知縣馮杰

知縣錢弘謨

知縣萬世顯

皇清知縣史在篇

知縣毛 邑

祝文

維神功在王室澤被生民甘棠遺愛迄今猶存

今茲仲春謹以牲醴庶品用伸嘗祭尚饗

鄉賢祠 在文廟戟門西祭

唐梁國文昭公房元齡

宋處士廉復

元濱國文忠公張養浩

齊國文簡公劉敏中 文穆公張起巖

明戶部尚書張舜臣

章邱縣志

卷之四 禮樂

十一

浙江道監察御史華珩

太常寺少卿劉祿

直隸宣城縣主簿胡來貢

都察院右副都御史洪漢

河東運同張茂蘭

雲南右布政使李冕

提督操江南京都察院右僉都御史胡東漸

巡撫寧夏都察院右副都御史贈工部左侍郎

焦馨

皇清工部都水司主事韓之俊

直隸永年縣知縣王毅

江南太平府知府袁聲

直隸衡水縣知縣張如式

戶部左侍郎焦毓瑞

貴州道監察御史寧光先

山西絳州學正呂懋修

邑庠生高三極

儒官郝奇璋

誥贈奉政大夫吏部稽勳清吏司郎中焦日培

江西吉安府永新縣殉節知縣焦毓慶

章邱縣志

卷之四 禮樂

三

湖廣湖南布政使司叅議分守岳常道胡世藻

祝文

維神德式鄉閭行師桑梓卓哉懿範允矣高風

今茲仲春謹以牲醴庶品用伸嘗祭尙饗

忠義祠在名宦祠東雍正三年奉

節孝祠在文廟道冠古今坊西雍正三年奉

關帝廟 在縣治西北前令茅國縉建因前楹湫  
歲時報祀者苦患擁擠乾隆十九年知縣

張萬青於廟前增拓地址  
構造高臺規模軒廠

後殿 雍正三年奉旨建春秋部頒日期及五月  
十三日祀 關帝三代

光昭公

裕昌公

成忠公

知縣為主祭官如  
文廟崇聖祠儀

祝文

維神積德彌弘望隆奕葉英靈如在食報萬年  
謹以剛鬣柔毛用伸薦敬維神降格實賴鴻庥

章邱縣志

卷之四

禮樂

十三

尙饗

正殿 春秋部頒日期及五月十三日誕辰祭  
關帝廟知縣為主祭官如文廟儀無樂舞

祝文

惟神千載孤忠兩間正氣天挺英傑保我黎庶  
今茲仲春謹以剛鬣柔毛庶品祇薦於神尙饗

城隍廟 在縣治西南隅  
春秋上戊日祭 在女郎山

劉將軍廟 雍正年間奉文建在女郎山  
三清觀西春秋上戊日祭 知縣田疇建

蚩蚩廟 在女郎山三  
康熙二十五年秋蝗知縣鍾運泰禱於祠

蝗不為災一夕盡去後廟傾圮乾隆十  
二年知縣席芬重修春秋上戊日祭

馬神廟 在太僕寺東  
春秋上戊日祭

土地祠 在縣治儀門之東西向

獄神祠 在監內南向

邑厲壇 在城北一里以清明日祭

旗纛神 無祠每歲驚蟄日於演武廳設位致祭

典禮

講約

每歲朔望先於

萬壽宮大門東偏安設講臺至期知縣率同城文武各官恭詣

萬壽宮行三跪九叩頭禮鄉約生公服恭詣

章邱縣志

卷之四 禮樂

古

龍亭講

聖諭文武各官侍班俟

聖諭出鄉約生登臺振木鐸宣講

聖諭十六條

大清律例數條俱以俗語解釋令軍民人等環集

知曉講畢各官侍班俟鄉約生捧

聖諭安放

龍亭畢徹班

迎春

先期一日知縣率同城各官朝服陞堂優給三

巡點春各官以次先行知縣隨乘轎至東郊於春棚內少坐禮生引至芒神前行三跪九叩頭禮畢迎春各官仍照前先導從迎春門入至縣署安設芒神香案於儀門內東偏各官至神前行安神禮一揖至日陰陽官報春至知縣率各官朝服步至神前行三跪九叩頭禮知縣執春鞭擊鼓三聲率各官迭土牛三匝打土牛移芒神禮畢

### 鄉飲酒禮

知縣爲主人儒學爲司正先期選定大賓衆賓作啟敦請至日黎明執事者具饌於明倫堂

章邱縣志

卷之四

禮樂

七

正遣人速賓主人率僚屬出迎至階主東賓西三揖三讓而後升堂東西相向立禮生贊行兩拜禮引大賓坐於西北介賓坐東北衆賓坐西南主人坐東南司正坐南堂下俱就位畢禮生贊揚觶司正由西階升詣中堂北面立禮生贊一揖皆答揖執事者酌酒授司正司正舉酒曰恭惟 朝廷率由舊章敦崇禮教舉行鄉飲非爲飲食凡我長幼各相勸勉爲臣進忠爲子進孝長幼有序兄友弟恭內睦宗族外和鄉里母

或廢墜以忝所生詞畢司正飲酒一揖賓皆答  
揖司正復位皆坐禮生贊讀律令執事者舉律  
令案於堂之中讀律令者詣案前北面立禮生  
贊賓介以下皆立行揖禮讀律令畢復位禮生  
贊主人揚觶送大賓席揖賓答揖次介賓席揖  
介賓答揖次及衆賓席揖衆賓答揖執事者酌  
酒授賓賓受酒詣主人席揖主人答揖賓東向  
主人西向禮生贊行兩拜禮各就位執事者酌  
酒請飲酒宴畢禮生贊執事者徹饌主西向賓  
東向行兩拜禮鼓吹送賓出門賓主三揖而退



介賓位

東序之卅

北

讀律誥位

南

大賓位

西序之位

司正位

章邱縣志

卷之四 禮樂

七

賓興

先期遣人請優等生員賓興至日堂下設優樂  
儀門內搭龍門伶人執桂花以俟禮房報諸生  
到齊知縣升堂吉服東北隅坐縣丞西北隅坐  
典史旁坐禮生唱諸生上堂行四拜禮受兩拜  
免兩拜諸生列坐領批者同諸生出席獻爵免  
知縣使人與諸生斟酒諸生出席謝酒免宴畢  
報馬預報喜兆散給諸生花紅諸生謝花紅免  
一揖由龍門各折桂先赴

文廟立戟門外知縣至

文廟率諸生入廟行辭

廟禮畢諸生遂行知縣回署

### 送學

至日新進各童生到齊知縣縣丞吉服並坐典史旁坐禮生唱各童生上堂行庭叅禮免更衣公服上堂行四拜禮受兩拜免兩拜諸生退班序次立飲酒三巡畢諸生自披花紅由儀門先行知縣同典史至 文廟率諸生行三跪九叩頭禮隨赴 明倫堂更衣知縣各官就主位東向立請儒學就賓位西向立行四拜禮儒學遂趨主位東向讓知縣各官就賓位西向行四拜禮知縣命諸生謁師行四拜禮儒學隨命諸生謝知縣各官行四拜禮知縣各官及儒學皆答揖諸生謝典史典史答拜禮畢諸生先出學門外候送知縣各官回署

### 朔望行香

文 廟

關帝廟

城隍廟

文昌祠

土地祠

狗神祠

馬神祠

祠宇

文昌祠 在明倫堂東南隅 春秋上戊日祭

魁星樓 在南門 城樓

鄒衍祠 在縣治東 門外新建

四文公祠 祀唐文昭公房玄齡元文簡公劉洎 中文忠公張養浩文穆公張起巖

錢公祠 在學東祀按察司 僉事錢宏今廢

趙公祠 在縣東祀知 縣趙瀛今廢

董公祠 在縣治東祀知縣董文案 有碑記今廢

章邱縣志

卷之四 祠宇

一九

沈公祠 在縣治東 有碑記廢

李公祠 在縣西 有碑記

茅公祠 在縣治北祀知縣 茅國縉有碑記

張公祠 在縣治東祀知縣 張企程有碑記

鄉先生李公祠 在明水鎮 有碑記

戴公祠 在女郎山祀 知縣戴瑞

史公祠 在城北落坡河祀 知縣史在篇

雙烈祠 在太僕寺南有碑記 萬曆十六年奉旨建

三皇廟 在縣治 西北

義勇武安王廟 在女郎山之麓碑文二首 張祖信撰一為宋政和三三年

南路儒學正李端臨撰碑文殘缺難辨

女郎祠遺迹在縣北女郎山今無

順德夫人祠在普集鎮

水母廟在水寨鎮

青山府君廟在縣南五十里文祖鎮

平陵王廟在縣西南四十里危山

### 寺觀

石龍菴在縣東八里長白之別麓菴畔有龍王廟廟前巨石現龍形鱗甲飛動一一如畫禱雨輒驗廟之立以此菴之名亦以此

東嶽行宮在縣治東北清平鄉張家莊

### 章邱縣志

卷之四

寺觀

三

三官廟在縣治一里邑人李開先記

泰嶽行宮在危山之巔

東嶽廟在女郎山巔

泰山行宮在女郎山邑人張國籌記宮左有女郎祠增修洞宇記碑在三陽洞

三清廟嘉靖辛酉重修邑人弭子方記碑在女郎山巔布

玉皇廟在女郎山巔布政使董募建

真武廟在縣治西北廟內有雪簑書金闕化身四大字又對一聯是躡龜蛇廣千萬億

分身化手搏日月

靈應觀在女郎山之麓舊為菴元玄冥真人改周七十二慧眼遙觀

思固記成化八年重修湖廣荆州府同知甯祥記碑俱在廟

通真觀 在縣南五十里步村鎮

常道觀 在縣南綠原村觀制奇詭相傳魯般所構工匠欲倣其遺法仰視竟日夜力出

觀輒忘之李觀以祀老氏

大聖院 在縣西南七十里米石山文簡公劉敏中記

廣嚴寺 在縣治西南舊名琉璃寺即南寺

大雲寺 在縣治西北隅建自唐開元今名北寺

觀音堂 在縣治東南

繡江寺 在繡江岸橋東

聖泉寺 在縣東十里

盤泉寺 在縣東南二十五里孟家莊東寺旁有方塘半畝清鑑毛髮因以名寺蓋南麓

章邱縣志

卷之四 寺觀

泉也又有北盤泉在周家莊西

龍泉寺 在縣南二十五里明水鎮中有百餘雪簑題龍泉古刹四大字又於殿

梵王宮三大字又對一聯臺樹屯陰翡翠半涵兜率殿池濤漾玉水雲深鎮梵王宮

柳唐寺 在縣北三十里柳唐口

洪福寺 在縣西北張家林鎮三十五里

石佛寺 在縣東南四十里普集鎮

興國寺 在縣南四十里雞山上

修慧寺 在縣西北臨濟鎮

如佛閣 在縣東南四十餘里青龍山高數丈廣數十丈畫棟飛雲珠簾捲雨真巨觀也